

Nov 1

Na osnovu odredbe članova 24. i 34. Statuta Sindikata policije MUP-a TK-a i člana 4. Zakona o udruženjima i fondacijama FBiH, Upravni odbor na svojoj sjednici održanoj dana 27.04.2022. godine donosi:

PRAVILNIK O FINANSIJSKOJ POMOĆI ČLANOVIMA SINDIKATA

OPĆE ODREDBE

Član I

Ovim Pravilnikom utvrđuju se osnovni principi ostvarivanja prava na finansijsku pomoć članovima Sindikata policije MUP-a TK-a(u daljnjem tekstu Sindikata).

PRAVO NA FINANSIJSKU POMOĆ

Član II

Član Sindikata može ostvariti pravo na finansijsku pomoć u skladu sa usvojenim finansijskim planom za tekuću godinu, raspoloživim sredstvima, na način i u slučajevima utvrđenim ovim Pravilnikom u slučaju ako ispunjava slijedeće opće uvjete:

- a) da je član Sindikata policije MUP TK-a najmanje 6 mjeseci, bez prekida,
- b) da u proteklih 12 mjeseci nije odobrena finansijska pomoć članu Sindikata ili članu njegove uže porodice po bilo kom osnovu (različiti osnovi se međusobno isključuju i član Sindikata ima pravo da bira osnov koji je za njega povoljniji), osim osnova iz člana 4. stav 1. tačka 3,4 5,6,7 i 10. Pravilnika
- c) da su propisani slučajevi za koje se određuje pomoć,
- d) da su ispunjeni potrebni uslovi za dodjeljivanje pomoći.

OBAVEZE KORISNIKA FINANSIJSKE POMOĆI

Član III

Član Sindikata koji ostvari pravo na finansijsku pomoć po bilo kom osnovu ne može se isčlaniti iz Sindikata u roku od jedne (1) godine od dana ostvarivanja pomoći, ili će mu se odobriti isčlanjenje pod uslovom da vrati primljena finansijska sredstva na račun Sindikata policije MUP TK-a uplatom na isti ili obustavom preko platne liste.

Sindikata neće uvažavati, bilo kakve račune za lijekove kupljenje po vlastitom izboru podnosioca zahtjeva, dodatke prehrani, kao i troškove alternativnih medicinskih usluga. Sindikat neće snositi troškove bilo kakvih estetskih zahvata, troškove stomatoloških usluga, kao i kupovinu dioptrijskih naočala i sličnih nadomjestaka.

Bez obzira na iznos računa troškova liječenja člana Sindikata (lično liječenje), kao i za liječenje njegove djece koja nisu starija od 18 godina, osim djece sa poteškoćama u razvoju, ne mogu se odobriti sredstva kada u skladu sa odredbama posebnih propisa, participaciju troškova liječenja, snosi Zavod zdravstvenog osiguranja. Odbor solidarnosti Sindikata, može odobriti razliku participacije članu Sindikata i njegovoj djeci, najviše do 50 % iznosa koju je platio za ove troškove, uz uvjet da je nadležna zdravstvena ustanova u Tuzlanskom kantonu dala preporuku za liječenje bolesti u inostranstvu, koja se obavezno prilaže uz zahtjev.

Član Sindikata koji neistinitim podatkom zloupotrijebi neko od prava iz ovog Pravilnika, bit će isključen iz Sindikata o čemu odluku donosi Upravni odbor i dužan je vratiti primljena novčana sredstva koja je ostvario zloupotrebom na račun Sindikata, uplatom na račun Sindikata ili obustavom preko platne liste, o čemu će biti pismeno obaviješten. Ukoliko se radi o penzioneru ili drugom članu koji odbija vratiti primljena novčana sredstva koja je zloupotrebom prava iskoristio, isti će biti pismeno pozvan da u roku od osam dana namiri tražena sredstva ili će u protivnom namirenje istih Upravni odbor Sindikata tražiti podnošenjem tužbe kod nadležnog suda.

Član IV

VRSTE POMOĆI

Finansijsku pomoć član Sindikata može ostvariti u slijedećem slučajevima:

1. Bolest člana Sindikata,
2. Bolest člana uže porodice člana Sindikata (supružnik i dijete),
3. Smrt člana Sindikata,
4. Smrt člana uže porodice člana Sindikata (supružnik i dijete)
5. Smrt člana uže porodice člana Sindikata (roditelj)
6. Bolovanje člana Sindikata duže od 42 dana
7. Odlazak u penziju člana Sindikata
8. Banjsko liječenje člana Sindikata
9. U slučaju liječenja izvan države BiH usled teške bolesti,
10. Rođenje ili usvajanje djeteta
11. Za slučaj elementarnih nepogoda i nesreća.

Član V

Član Sindikata može ostvariti pravo na finansijsku pomoć zbog bolesti koja iziskuje veće troškove liječenja, a koji nisu manji od 200 (dvije stotine) KM.

Materijalnu pomoć iz stava 1 ovog člana, član Sindikata može da ostvari u visini do 40% predloženih računa utrošenih na liječenje, jednput u toku godine s tim da iznos materijalne pomoći ne može biti veći od 200 (dvije stotine) KM.

Za ostvarenje ove materijalne pomoći član Sindikata dužan je dostaviti Odboru solidarnosti obrazložen zahtjev sa priloženom medicinskom dokumentacijom o bolesti kao i računima od kase (fotokopije fiskalni računi sa potpisom podnosioca zahtjeva na poleđini računa, kao broj lične ili osobne karte od podnosioca zahtjeva) za utrošene lijekove, koji su od strane ljekara upisani u medicinsku dokumentaciju, s tim da računi ne mogu biti stariji od 60 (šesdeset) dana od dana predaje i član sindikata koji podnosi zahtjev mora se svojeručno potpisati na predloženi račun.

Član VI

Član Sindikata može ostvariti pravo na materijalnu pomoć zbog bolesti člana uže porodice (supružnika koji nije u stalnom zaposlenju i djeteta a dijete u smislu ovog Pravilnika smatra se dijete koje nije starije od 18 godina, osim djece sa poteškoćama u razvoju) koja iziskuju veće troškove liječenja a koji nisu manji od 200 (dvije stotine) KM.

Finansijsku pomoć iz stava 1. ovog Člana, član Sindikata može da ostvari u visini do 40% predloženih računa utrošenih na liječenje, jednput u toku godine s tim da iznos materijalne pomoći ne može biti veći od 200 (dvije stotine) KM.

Za ostvarenje ove finansijske pomoći član Sindikata je dužan dostaviti Odboru solidarnosti obrazložen zahtjev sa priloženom medicinskom dokumentacijom o bolesti kao i računima od kase (fotokopije fiskalni računi sa potpisom podnosioca zahtjeva na poleđini računa, kao broj lične ili osobne karte od podnosioca zahtjeva) za utrošene lijekove a koji su od strane ljekara upisani u medicinsku dokumentaciju, s tim da računi ne mogu biti stariji od 60 (šesdeset) dana od dana predaje.

Član VII

U slučaju smrti člana Sindikata, porodici umrlog pripada pravo na finansijsku pomoć u iznosu od 1000 (jednu hiljadu) KM koji se dodjeljuje porodici.

Za ostvarenje ove finansijske pomoći povjerenik sindikalne organizacije je dužan za svog člana dostaviti

sekretaru Sindikata zahtjev za materijanu pomoć sa priloženim izvodom iz matične knjige umrlih-fotokopijom ili fotokopijom potvrde o smrti.

Član VIII

U slučaju smrti užeg člana porodice (supružnik i djeca) članu Sindikata, pripada, pravo na finansijsku pomoć u iznosu od 400 (Četiri stotine) KM.

Za ostvarenje ove materijalne pomoći član Sindikata je dužan dostaviti sekretaru zahtjev za finansijsku pomoć sa priloženim izvodom iz matične knjige umrlih ili potvrdu o smrti za člana porodice(fotokopije).

Član IX

U slučaju smrti užeg člana porodice (roditelja) članu Sindikata, pripada pravo na materijalnu pomoć u iznosu od 300 (tri stotine) KM.

Za ostvarenje ove materijalne pomoći član Sindikata je dužan sekretaru dostaviti zahtjev za materijanu pomoć sa priloženim izvodom iz matične knjige umrlih ili potvrdu o smrti za člana porodice.(fotokopije).

Član X

Član Sindikata koji se nalazi jednokratno na bolovanju dužem od 42 dana pripada pravo na finansijsku pomoć u iznosu od 100 (stotinu) KM.

Za ostvarenje ove materijalne pomoći član Sindikata je dužan dostaviti sekretaru zahtjev za finansijsku pomoć sa priloženom fotokopijom doznake za bolovanje.

Član XI

Članu Sindikata koji ostvari pravo na penziju pripada jednokratna materijalna pomoć u iznosu od 500 (pet stotina) KM.

Za ostvarenje ove materijalne pomoći Član Sindikata je dužan dostaviti sekretaru zahtjev za finansijsku pomoć sa priloženom fotokopijom rješenja o ostvarivanju prava na penziju, da je podnosilac zahtjeva za finansijsku pomoć trenutno član sindikata i da je prije odlaska u penziju zadnje 3 (tri) godine bio član sindikata bez prekida.

Član XII

U slučaju bolesti člana Sindikata kome je potrebno banjsko liječenje isto se ostvaruje na osnovu zahtjeva, predložene fotokopije uputnice ljekara specijaliste i originalni fiskalni račun ili fotokopije fiskalni računi sa potpisom podnosioca zahtjeva na poleđini računa, kao broj lične ili osobne karte od podnosioca zahtjeva na ime člana Sindikata.

Troškove banjskog liječenja iz stava 1. ovog člana u visini do 50 % od predloženog računa i u trajanju do 14 dana, plaća Sindikat policije MUP TK-a, a najviše u iznosu do 500 KM.

Pravo na banjsko liječenje član Sindikata može ostvariti jedan puta u periodu od 3 /tri/ godine. Član Sindikata zahtjev sa medicinskom dokumentacijom dostavlja odboru solidarnosti.

Član XIII

Član Sindikata kod kojeg se rodi dijete ili koji usvoji dijete, pripada pravo na finansijsku pomoć u iznosu od 100 (Stotinu) KM.

Za ostvarenje ove finansijske pomoći član Sindikata je dužan dostaviti odboru solidarnosti zahtjev za finansijsku pomoć sa priloženom fotokopijom matične knjige rođenih za rođenje djeteta, odnosno fotokopije odluke o usvajanju djeteta.

Član XIV

Za slučaj elementarnih nepogoda i nesreća, (zemljotres, požar, poplava, klizište, jak vjetar) koja je nastala na objektu u vlasništvu člana sindikata ili na objektu u kojem je isti nastanjen, član sindikata može ostvariti pravo na finansijsku pomoć u iznosu do 500 (Pet stotina) KM. Za ostvarenje ove finansijske pomoći član Sindikata je dužan dostaviti odboru solidarnosti zahtjev za finansijsku pomoć sa priloženom fotokopijom dokaza o vlasništvu- stanovanju, kao i dokaz o nastanku štete.

Član XV

Član Sindikata može ostvariti pravo na materijalnu pomoć zbog teške bolesti člana Sindikata ili uže porodice (supružnika koji nema stalna novčana primanja i djeteta) a dijete u smislu ovog Pravilnika smatra se dijete koje nije starije od 18 godina, osim djece sa poteškoćama u razvoju), čije liječenje je neophodno uraditi u zdravstvenim ustanovama izvan BiH, uz uvjet da je nadležna zdravstvena ustanova u Tuzlanskom kantonu dala preporuku za liječenje bolesti u inostranstvu, koja se obavezno prilaže uz zahtjev.

Za ostvarenje ove materijalne pomoći član Sindikata dužan je dostaviti Upravnom odboru obrazložen zahtjev sa priloženom medicinskom dokumentacijom o bolesti, nalaz i mišljenje konzilija ljekara državnih zdravstvenih ustanova da se navedeno neophodno uradit u zdravstvenim ustanovama izvan prostora BiH, uz predračun cijene iznosa operacija, stim da finansijska pomoć ne može biti veća od 5000KM (Pet hiljada)

Član XVI

~~Članu Sindikata sa teškim oboljenjima te članovima uže porodice člana Sindikata (supružnika koji nema stalna novčana primanja i djeteta) a dijete u smislu ovog Pravilnika smatra se dijete koje nije starije od 18 godina, osim djece sa poteškoćama u razvoju) sa teškim oboljenjima, može se dodijeliti mjesečnu a finansijska pomoć u skladu sa Finansijskim planom za tekuću godinu a koja traje do kraja kalendarske godine, od strane Upravnog odbora Sindikata, u iznosu do 80 (osamdeset) KM.~~

Za ostvarivanje prava iz stava 1 ovog člana član Sindikata je dužan da podnese pismeni zahtjev odboru solidarnosti Sindikata uz šire obrazloženje o teškoj bolesti i ljekarskom dokumentaciji, s tim da se zahtjev podnosi na početku svake kalendarske godine.

Zahtjeve iz stava 1. ovog člana razmotrit će i pregledati Odbor solidarnosti te konačnu listu dostaviti Upravnom odboru na usvajanje

Član XVII

Svi zahtjevi za finansijsku pomoć podnose se putem sindikalnog povjerenika organizacione jedinice koji svojim potpisom daje saglasnost na zahtjev a svojim potpisom potvrđuje da je podneseni zahtjev u skladu sa Pravilnikom o finansijskoj pomoći članovima Sindikata.

Zahtjev mora da sadrži prezime i ime podnosioca zahtjeva, naziv sindikalne organizacije kojoj pripada, datum podnošenja zahtjeva, naslov kome se podnosi zahtjev, tačno naglašena vrsta pomoći za koju član Sindikata podnosi zahtjev, razlozi podnošenja zahtjeva, obrazloženje o historiji bolesti i slično, potpis podnosioca zahtjeva i potpis sindikalnog povjerenika.

Odbor solidarnosti zasijeda po ukazanoj potrebi i po broju pristiglih zahtjeva.

Svi zahtjevi za materijalnu pomoć koji se podnose bez saglasnosti sindikalnog povjerenika, potpisa i potpisa podnosioca zahtjeva, vratiti će se na doradu sindikalnom povjereniku, nakon čega će Odbor solidarnosti ponovo razmatrati navedeni zahtjev.

Dokumentacija na temelju koje se dodjeljuje finansijska pomoć u smislu odredaba ovog Pravilnika pohranjuje se u arhivu Sindikata, kao i odbijeni zahtjevi.

Član XVIII

Primjenom ovog Pravilnika prestaje da važi predhodni Pravilnik o materijalnoj pomoći članovima Sindikata.

Ovaj Pravilnik stupa na snagu danom donošenja a primjenjivat će se od 27.04.2022. godine.

U Tuzli, 27.04.2022. godine

Broj: S-_____/22

**PREDSJEDNIK UO
SINDIKATA POLICIJE MUP TK-a
ALIĆ HASAN**